



11 қараша, сенбі 2023 жыл

e-mail: syrboiy@yandex.kz

www.syrboiy.kz

www.facebook.com/syrboiy.kz/

www.instagram.com/syrboiy_kz

https://twitter.com/syrboiy

t.me/syrboiy_kz

ПРЕЗИДЕНТ

ҚАЗАҚСТАН МЕН РЕСЕЙ – СТРАТЕГИЯЛЫҚ СЕРІКТЕС



Мемлекет басшысы Қасым-Жомарт Тоқаев және Астанаға ресми сапармен келген Ресей Президенті Владимир Путин Қазақстан мен Ресейдің XIX Өңіраралық ынтымақтастық форумының пленарлық отырысына бейнебайланыс режимінде қатысты.

Жиын алдында Ресей Президентін салтанатты қарсы алу рәсімі өтті. Қасым-Жомарт Тоқаев пен Владимир Путин бір-біріне ресми делегация мүшелерін таныстырды. Құрмет караулы ротасының бастығы екі ел басшыларына рапорт берген соң, Қазақстан

мен Ресейдің мемлекеттік әнұрандары шықталды. Содан кейін президенттер «Ақорда» резиденциясының Мәрмәр залына барып, форумға онлайн-режимде қосылды. Қасым-Жомарт Тоқаев Өңіраралық ынтымақтастық форумы 20 жыл ішінде екі елдің

өзара тиімді стратегиялық серіктестігін нығайтуға зор үлес қосып, өзінің маңыздылығы мен тиімділігін көрсеткенін атап өтті. Оның айтуынша, Қазақстан мен Ресейдің сауда-экономика, инвестиция салаларындағы және өнеркәсіптік кооперациядағы ықпалдастығы жылдан-жылға тұрақты түрде артып келеді.

– Бүгінде екіжақты тауар айналымы 27 миллиард долларға жетті. Бұл – рекордтық көрсеткіш. Ресейден тікелей тартылған инвестиция көлемі

20 миллиард доллардан асты. Қазақстанда жұмыс істейтін шетелдік үлесі бар 42 мыңнан астам кәсіпорынның жартысына жуығы, яғни 19 мыңы – ресейлік компаниялар. Біз экономиканың өнеркәсіп, ауыл шаруашылығы, көлік, инфрақұрылым сияқты салаларында тығыз қарым-қатынас жасаймыз. Энергетика бағытындағы ынтымақтастық деңгейі артып келеді. Жақында Ресей газын Қазақстан аумағы арқылы Өзбекстанға тасымалдау жобасының іске қосылуы айтулы оқиға болды. Бұл жоба Орталық Азияның өңірлік тұрақтылығы мен энергетикалық қауіпсіздігін нығайтуда шешуші рөл атқарады. «Татнефть» компаниясымен бірге қуаты жылына 340 мың тоннаға дейін бутандиен өндіретін Қазақстан-Ресей зауытының құрылысы басталды. Полиэтилен шығаратын кәсіпорын салуға қатысты келіссөздер аяқталды. 2019 жылдан бастап Өндірістік кооперация саласындағы бірлескен іс-қимыл бағдарламасы табысты жұмыс істеп жатыр. Қазірдің өзінде бұл бағдарлама бойынша құны 3,2 миллиард доллар болатын 30 жоба іске асырылды. Жалпы көлемі 27 миллиард доллардан асатын тағы 60-қа жуық жоба жүзеге асырылуда немесе пысықталуда. Мұның бәрі Қазақстан мен Ресейдің стратегиялық серіктес әрі одақтас екенін айқын көрсетеді, – деді Мемлекет басшысы.

2-бет

ҰЛТТЫҚ ВАЛЮТАҒА 30 ЖЫЛ

ТЕҢГЕ – ДЕРБЕСТІК ТІРЕГІ

Ұлттық валютаның айналымға шыққанына алдағы күндері 30 жыл толады. Осы уақыт аралығында теңгенің түр-келбеті өзгеріп, құны да сан рет құбылды. 1993 жылдың 15 қарашасы – төл теңгеміздің туған күні екені баршаға мәлім. Десек те, кез келген жайттың көпшілік біле бермейтін белгісіз қырлары жетерлік. Тарих парақтарын ақтарып, теңгенің шығуына қатысты бірқатар мәліметпен таныс болдық.

Айсәуле ҚАРАПАЕВА, «Сыр бойы»

3-бет

МЫҢ БАЛА МАЗДАТҚАН МӘҢГІЛІК ТАРИХ

Көршілес Ақтөбе облысында тағылымы терең, берері мол айтулы шара өтті. Алты Алаштың айыны болған жаужүрек мың бала мен олардың сайыпқыран сардары Сартай батыр Байжанұлының құрметіне арналған, елдік пен ерлікті дәріптеген жиын екі күнге созылды. Бейсенбі күні ғылыми-теориялық конференция ұйымдастырылып, соңынан көрермен назарына «Сартай батыр» спектаклі ұсынылды.



Тәуелсіздік алғанша ел қорғаған Сартай батыр туралы ақиқатты айту мүмкін болмады. Батыр бабаға арналған басқосуда ақын, сыншы Мырзан Кенжебай, философия ғылымдарының докторы Алтай Тайжанов, Қазақстан Жазушылар одағы төрағасының орынбасары, филология ғылымдарының докторы Бауыржан Жақып, тағы басқа азаматтар батырдың өнегелі өмірі мен өшпес ерлігі жайлы сөз етті. Ал жұма күні ұлы даланы қаһармандықпен қорғаған бабаларға арнап ас беріліп, Құран бағышталды. Қонақтарға «Сартай батыр – жаужүрек мың бала» атты кітап табысталды.

Сартай Байжанұлы 1711-1817 жылдары өмір сүрген. Оның ерлігі мен қолбасшылық қызметі туралы ақын Нұрмағамбет Қосжановтың «Сартай батыр» деп аталатын дастанында

жырланады. Халыққа батыр жайлы деректің жетуіне осы шығарманың үлесі зор. Өзі қатарлас жаужүрек жеткіншектер жасағын басқарған 15 жастағы Сартай Әбілқайыр ханның сарбаздары құрамында болған. Шұбартеңіз, Қалмаққырылған және Ғұланты шайқастарына қатысқандығы туралы тарихи деректер бар. Сартай тек батыр ғана емес, би де болған. Генерал-губернатор О.Игельстромның 1785 жылғы Кіші жүзді басқару жөніндегі реформасы бойынша Сартай би, Көбек би және Муратбек би үшеуі ел басқарған. Даңқты батыр әрі би 1817 жылы Қызылорда облысы Арал ауданы Ақшатау елді мекенінде қайтыс болып, Қазалы жеріндегі Қосымқожа қорымына жерленген.

СБ» ақпарат

САРАП

ҚАРЫЗҒА БАТҚАН ХАЛЫҚТЫҢ МӘСЕЛЕСІ ҚАЛАЙ ШЕШІЛМЕК?



Осыған орай ҚР Қаржы нарығын реттеу және дамыту агенттігі тұтынушылық несиелеу шарттарын қатайтатын шаралар ұсынды. Мақсаты – халықтың жүктемесін азайту. Әрине, алушының қаржылық жағдайына қауіп төндіретін қарыздың өсуіне жол бермеу бастамасы құптарлық. Дегенмен, сарапшылар пікірінше, макроэкономика тұрғысынан бұл тәсіл қауіпті. Себебі ол жиынтық сұранысты төмендетеді, жосықсыз қарыз алушылардың көбеюіне алып келеді.

Айта кетсек, кейінгі жылдары тұтынушылық несие көлемінің айтарлықтай өсуі 20 қазанда өткен парламенттік тыңдауда талқыланған басты тақырып болды. Билік халықтың қарызға батқанына алдануды. Өткен қыркүйек айындағы Жолдауында Президент Қасым-Жомарт Тоқаев та азаматтардың шамадан тыс қарыз ауыртпалығына назар аударып, жағдайды түзету үшін жаңа жүйелі шаралар қабылдау қажет екенін айтқан болатын.

Парламенттік тыңдауда Қаржы нарығын реттеу және дамыту агенттігі төрағасы Мәдина Әбілқасымова банктерде 90 күннен астам мерзімі өткен несиелердің деңгейі 5,2% немесе 0,5 трлн теңге екенін айтты. Мерзімі өтіп кеткен несиесі барлардың саны 516 мың адамды немесе жалпы қарыз алушылардың 7 пайызын құрады. Микроқаржы секторында 90 күннен астам мерзімі өткен несиесі барлардың саны 347 мың адам, жалпы сомасы 98 млрд теңге.

КІМНІҢ ҚАРЫЗЫ КӨБІРЕК?

Халықтың бұлай борышты болуының жалпы қабылданған бірыңғай критерийі болмаса да, төлемді төлеу деңгейі қарыз деңгейін бағалаудың ең жақсы көрсеткіші емес. Ең қарапайым әрі танымал әдіс – оны елдің жалпы ішкі өніміне пайызбен есептеу. Осы көрсеткішке сүйене отырып,

Облыстың 85 жылдығы аясында аудандарға жасаған сапарымызды оңтүстікте орын тепкен Жаңақорғанда түйіндедік. Барлық сала бойынша жоғары жетістіктерге жетіп келе жатқан ауданда бүгінде 86 мыңнан астам адам тұрады. Бұл жөнінен облыста алдыңғы орында. Қасиет қонған құт мекенде кейінгі жылдары ауыл шаруашылығымен қатар қазба байлық өндіру қанатын кең жайды. Быыл «Алтын күз» мерекесінде агроөнеркәсіп қарсаңында ең жоғары көрсеткіштерге қол жеткізген Жаңақорған «Үздік аудан» номинациясын иеленіп, қара жерден несібе терген ағайынның мерейі тасыды. Талай ғасырдың сырын ішіне бүккен қарт Қаратау мен сылаң қаққан Сырдария өзенін бойлай жатқан жергілікті жұрт ауданның 95 жылдығы мерейтойын лайықты деңгейде атап өтті.

Әділжан ҮМБЕТ, «Сыр бойы»

4, 5-беттер

Халықты толғандырған ең бір өткір мәселе – несие қарызы. Жасыратыны жоқ, қазір банктерден шектеусіз кредит алып, борышкер болып отырған азаматтарымыз көп. «Халық несие қамытын киді» десе де болады. Адамдардың несиеге тәуелділігі мен қаржылық сауатының төмендігі үлкен әлеуметтік проблемаға айналды. Қазіргі уақытта халықтың 84 пайызында, яғни 8,4 миллионнан астам адамның қарызы бар екен.

Биболат СӘТЖАН, «Сыр бойы»

Қазақстан халқын қарызға батқан деп айту қиын. Халықаралық валюта қорының мәліметі бойынша 2022 жылы қазақстандықтардың қарызы ЖІӨ-нің 13,7 пайызын құрады. Ресей мен Польша да Қазақстан сияқты 1990 жылдардың басында экономикалық трансформацияны басынан өткерген елдерде бұл көрсеткіш 21,1 және 26,7%. Дамыған елдерде қарыздың ЖІӨ-ге қатынасы әлдеқайда жоғары. Германияда 55,1%, Францияда 66,2%, Ұлыбританияда 83,1%.

Бірақ бұл тәсілдің де кемшіліктері жоқ емес. Әртүрлі елдердің экономикалары құрылымы жағынан ерекшеленеді. Ал кейбір елдерде басқаларға қарағанда жұмыспен қамту және табыс тұрақтылығы жоғары. Негізгі дүрріс бағалауды Дүниежүзілік банктің аналитикалық шолуларынан табуға болады. Ондағы сарапшылар ауыртпалықты қарыздың әр отбасының кірісіне қатынасы арқылы өлшейді.

3-бет



ЖАҢАҚОРҒАН:

ТОҒЫЗ ЖОЛДЫҢ ТОРАБЫ

Бұл өңірде ғасырлар бұрын әйгілі «Сығанақ», «Сауран», «Өзгент», «Аққорған», «Ордакент» сияқты тарихи көне қалалар мен қамалдар болса, «Көккесене», «Қорасан ата», «Қарасопы», «Қылышты ата-Төлегетай» сағаналары, «Ақтас», «Сунақата» секілді тарихи-мәдени ескерткіштер бар.

Жаңақорған ауданы 1928 жылы 17 қаңтарда құрылған. Сол жылы Сырдария губерниясы тарап, Қызылорда, Сырдария округтері ашылды. Осыған байланысты бұрынғы Төменарық, Жаңақорған, Сауран, Өзгент болыстарының ізімен Жаңақорған ауданы құрылды. Ауданның жер көлемі 16,6 мың шаршы шақырым, бұл – облыс жер көлемінің 6,8 пайызы. Халықтың орташа тығыздығы бір шаршы шақырымға 4,5 адамнан келеді.

Жаңақорған ауданы теміржол мен халықаралық «Батыс Еуропа-Батыс Қытай» күре жолының бойында жағалай қоныстанған. Аудан орталығы мен ауылдар, елді мекендер аралығын автожол мен теміржол жалғайды.

Жаңақорған ауданында дүниеге келіп, еліміздің дамуына зор үлес қосқан танымал азаматтар көп. Олардың қатарында Кеңес Одағының батырлары Әнуар Әбүтәліпов, Александр Романов, заң ғылымдарының докторы, академик Сұлтан Сартаев, Елтанба авторы Жандарбек Мәлібеков, мемлекет және қоғам қайраткерлері Исатай Әбдікәрімов, Сейіпбек Шаухаманов, Бердібек Сапарбаев, белгілі дәрігер Мұхтар Әліев, академик Бірлесбек Алияров, ақын-жазушылар Дүкенбай Досжан, Тынмыбай Нурмағамбетов, Жүсіп Қыдыров, Адырбек Сопыбеков, Байбота Серікбаев, дирижер Төлепберген Әбдірашев, ғалым Сейфулла Әбдірайымов, халық ақыны Манап Көкенов, белгілі композитор Бексұлтан Байкенжеев, кинорежиссер Қалила Омаров бар.

Ауданның онтүстігі мен батыс



сирек кездесетін металдар бар екені анықталған. Аталған кен орнындағы қазба байлығы алғаш рет 1963 жылы белгілі болған еді. Одан кейін 1980 жылдары онда жұмыс қайтадан басталып, тоқсаншы жылдардағы дағдарыс салдарынан өз жұмысын біршама уақыт тоқтатты. Қазіргі таңда «Шалқия» кеніші қайтадан қолға алына бастады.

Сондай-ақ, ауданда құрылысқа жарамды тас, қиыршықтас, құм, саз (бентонит) және басқа да кен орындары бар. 1963 жылы Қаратау геологиялық зерттеу экспедициясының есептеуінше, кен орнында өндіруге болатын 15 элемент түрі анықталып, қоры 300 мың тоннаға бағаланды. 1975 жылдан бастап кенішті қазу, бұрғылау жаңарып, «Жаңақорған» стансасынан «Шалқия» кен орнына теміржол тартылды. Аудан көлемінде «Хорасан-1» және «Хорасан-2» кеніштерін игеру арқылы уран өндіруді арттыру жоспарланып отыр.

Тоқсаншы жылдардан бастап елімізде шағын және орта кәсіпкерлік дамытуға барынша көңіл бөлініп келеді. Мұндай жаңашыл істер аудан өмірінде де анық байқалды. Мемлекеттік қолдаудың аясында аталған салада жаңа жұмыс орындарын құруға мән берілді.



бөлігінде белес-белес құм төбеден тұратын Қызылқұм шөлі жатыр. Оңтүстік-шығыс бөлігінде қалың қатпарлы Қаратау жоталары бар. Қаратау қойнауындағы Бесарық, Жиделі, Талдысу, Ақуык өзендерінің суы жыл бойы үзілмейді. Сондай-ақ, көктемде пайда болатын Кесте, Шалғая өзендері халықтың егіншілігіне қызмет көрсетеді. Тау өзендерінің суын тиімді пайдалану мақсатында «Бесарық» және «Жиделі» су қоймалары салынған. Аудан көлемінде Бороқты, Өзгент, Қандыарал, Жыңғылсай, Қамбар, Алакөл, Нарсоққан секілді 22 көл бар.

ҚОЙНАУЫ ҚҰТ МЕКЕН

Ауданның жер қойнауында көптеген қазба байлығы жатыр. Қаратаудың Өгізүмүйіз сілемінде жатқан «Шалқия» кенішінде мырыш, қорғасын, күміс, кадмий және өзге де

1-бет

өнім шығарды. Ал «Берік» ЖШС кент халқы мен жабық мекемелерді нан және нан өнімдерімен қамтамасыз етті. Ауысымдық қуаты 30 тоннаны құрайтын «Пархат» ұн диірмені күніне 10 тонна өнім дайындады. Сол кезеңде күріш зауыты мен күріш өңдеу диірмені халыққа қызмет көрсетті.

Табиғи қиыршық тас өндіруге «Өтеміс» ЖШС 2002 жылдан бастап қарқынды жұмыс жасап, өз өнімін шығаруды жолға қойды. 2003 жылы «Қазпром Қызылорда» ЖШС түрлі фракцияда қиыршық тас өндіретін агрегатты іске қосты.

Индустриялық-инновациялық даму бағдарламасы аясында «СКЗ-У» күкірт қышқыл зауыты ашылды. Бұл ТМД елдерінде баламасы жоқ жоба ретінде ерекшеленді. Оның жылдық қуаты 500 мың тонна өнім өндіруге жетеді.

Биылғы 9 айда аудан көлемінде 80,1 млрд теңгенің (103,1%) өнеркәсіп өнімі өндірілсе, өңдеу өнеркәсібінің көлемі 51,6 млрд теңгені құрады. Негізгі капиталға тартылған инвестиция көлемі 26,5 млрд теңгеге жетіп, өткен жылдың есепті кезеңімен салыстырғанда 1,5 есе артты.

Кейінгі жылдары ауданда өнеркәсіп саласына ерекше көңіл бөлініп отыр. Бұл бағытта «Байкен-У» ЖШС тарапынан ауқымды жұмыстар атқарылып келеді. Биыл негізгі капиталға тартылған инвестиция көлемі 17,9 млрд теңгеге жетті. Бұл «Шалқия» полиметалл кен орнын өнеркәсіптік игеру және кен байыту зауыты, «Қазатом-өнеркәсіп», күкірт қышқылы өндіретін «СКЗ-У», «Жаңақорған санаториясы» АҚ есебінен ұлғайып отыр.

2023 жылдың 1 қазанына тіркелген шағын және орта кәсіпкерлік нысан саны 7305-ке жетті. Оның ішінде 357-сі заңды тұлға, 2587-сі шаруа қожалығы, 4361-і жеке кәсіпкер. Ондағы белсенді нысан саны 7051 бірлікті құрады. Ал бөлшек сауда айналымы 5849,9 млн теңге болып, өткен жылдың осы кезеңімен салыстырғанда индекс өсімі 105,2 пайыз. Жыл басынан бері барлық қаржы көзінен 198 жобаға 2583,8 млн теңгенің несиесі алынды.

АГРАРЛЫҚ САЛАНЫҢ АУҚЫМЫ

1947 жылы ауданда 5420 гектар бидай, 219 гектар арпа, 551 гектар тары, 629 гектар дән жүгері, 659 гектар күріш егілді. Жылдан-жылға егіс көлемі артты. Оның ішінде басты дақыл – күріш егісі арта түсті. Мәселен, 1949 жылы 4094 гектар бидай, 295 гектар арпа, 15 гектар сұлы, 624 гектар тары, 574 гектар дән жүгері, 1670 гектар күріш егілді.

Сондай-ақ, ауданда сол кезеңде төрт түліктің басын көбейтуге ерекше мән берілді. 1947 жылы 64593 қой мен ешкі, 7670 ірі қара, 8499 жылқы, 1276 түйе есепке алынған еді. Ол арада бір жыл өткенде 10452 жылқы, 8156 ірі қара, 81671 қой мен ешкі, 1368 түйеге жетті. Нәтижесінде ет пен сүт өнімдерін өндіру артты.

Алайда соғыстан кейінгі уақыт халықтың әлеуметтік жағдайы үшін аса бір ауыр кезең болды. Ақша реформасы жасалғанымен, елдің өмір сүру деңгейі төмендеп кетті. Астық өндіру саласында жұмсалған шығынның мемлекет тарапынан сегізден бір бөлігі ғана, мал шаруашылығында одан да аз төленді.

Одан бергі жылдарда елдің жағдайы біршама түзеліп, аграрлық салада еңбек өнімділігі артты. Атап айтқанда, 1958 жылы аудан мемлекетке 165 мың пұт астық беріп, облыста бірінші болып міндеттемесін орындап шықты. Мұндай оңды өзгеріс мал шаруашылығында да көрініс берді.

Алпысыншы жылдардың басынан «Түгіскен» алабын игеру ісі қолға алынды. 1966-1970 жылдары 100 шақырымға жуық арна қазылды. Ауданда мал шаруашылығы өркендеп, одан өндірілетін өнім көлемі өсті. Облыс орталығынан «ПМК-29», «ПМК-33» және көршілес өңірлердегі құрылыс мекемелерінен экскаваторлар мен бульдозерлер, самосвал көліктері келе бастады. Сол жылдары «Келінтөбе» каналының төменгі жағынан үш күріш кеңшары ашылды. Бұл кезеңде тау өзендерінің су қоймасын салуға назар аударылды. 1974 жылы «Бесарық», 1985 жылы «Жиделі» су қоймасы пайдалануға берілді.



Ресей жерінде өмірге келіп, 1926 жылдан бастап Жаңақорған ауданының білім саласында жемісті еңбек еткен ол балаларды сауаттандыруға белсене қатысты. Аудан орталығындағы №51 мектепте мұғалім, директордың орынбасары, директор қызметін атқарған ол педагогика саласында өшпес із қалдырды. Ұлағатты ұстаз ұрпақ тәрбиесіндегі өлшеусіз еңбегінің әділ бағасына ие болды. Екі мәрте «Ленин» орденімен марапатталды.

Қырқышы жылдардың басында Жаңақорған ауданында мектеп саны өте аз болатын. Соғыстан кейінгі жылдары оқу-ағарту ісін нығайтуға көп көңіл бөлінді. Нәтижесінде 1952 жылы ауданда 3 орта, 9 жетіжылдық мектеп балаларға білім берді. Бұл жылы тағы да 11 бастауыш мектеп ашылды, олардың саны 25-ке жетті.

Алпысыншы жылдары уақыт талабына сай, ауыл шаруашылығына қажетті механизатор кадрларын даярлауға мән берілді. Осындай талаппен 1961 жылы ауыл шаруашылығы механизаторларын даярлайтын училище ашылды. Он жылға жуық уақыт ішінде оқу орнында мыңнан астам жас механизатор мамандық алып шықты. Ал 1972 жылы аудан орталығынан алғаш рет балалар музыка мектебі, оның филиалдары «Түгіскен», «Төменарық», «Шалқия», «Бірлік» елді мекендерінде ашылды. Бұл талантты жастардың өнерге қанат қағуына зор септігін тигізді. Кейіннен музыка мектебіне белгілі күйші Әлшекей Бектібайұлының есімі берілді.

1986 жылы ауданда 22 орта, 12 сегізжылдық, 6 бастауыш мектеп жұмыс істеді. Арада бес жыл өткенде мектептерді ірлендіру нәтижесінде 32 орта, 6 орталық, 6 бастауыш мектеп халыққа қызмет көрсетті.



ҚЫЗЫЛОРДА ОБЛЫСТЫҚ МӘСЛИХАТЫНЫҢ ШЕШІМІ
Қызылорда қаласы №51 27 қазан 2023 жыл

Қызылорда облыстық мәслихатының 2022 жылғы 13 желтоқсандағы №153 «2023-2025 жылдарға арналған облыстық бюджет туралы» шешіміне өзгерістер мен толықтырулар енгізу туралы

Қызылорда облыстық мәслихаты ШЕШТІ:
1. Қызылорда облыстық мәслихатының 2022 жылғы 13 желтоқсандағы №153 «2023-2025 жылдарға арналған облыстық бюджет туралы» шешіміне мынадай өзгерістер мен толықтырулар енгізіледі:

- 1-тармақ жаңа редакцияда жазылсын:
«1. 2023-2025 жылдарға арналған облыстық бюджеттің негізгісіне 1, 2 және 3-қосымшаларға сәйкес, оның ішінде 2023 жылға мынадай көлемдерде бөктілісін:
1) кірістер – 548 130 242,8 мың теңге, оның ішінде: салықтық түсімдер – 43 073 344,4 мың теңге; салықтық емес түсімдер – 10 123 873,6 мың теңге; негізгі капиталға сатудан түсетін түсімдер – 68 707,0 мың теңге; трансферттер түсімі – 494 864 317,8 мың теңге;
2) шығындар – 543 416 688,2 мың теңге;
3) таза бюджеттік кредиттеу – 2 499 890,4 мың теңге; бюджеттік кредиттер – 19 416 267,0 мың теңге; бюджеттік кредиттерді өтеу – 11 166 376,6 мың теңге;
4) қаржы активтерімен операциялар бойынша салық – 5 432 971,4 мың теңге; қаржы активтерін сатып алу – 5 432 971,4 мың теңге; мемлекеттің қаржы активтерін сатудан түсетін түсімдер – 0;
5) бюджеттапшылық (профицит) – 8 969 307,2 мың теңге;
6) бюджеттапшылық қаржыландыру (профицитті пайдалану) – 8 969 307,2 мың теңге;
4-тармақ келесідей мазмұндағы (13), (14), (15), (16), (17) тармақшалармен толықтырылсын:
14) жер асты және жер үсті инженерлік желілерін түгелдей;
15) даму сызбалары;
16) мемлекеттік атауды әлеуметтік көмек төлеу;
17) мүгедектігі бар адамдардың құқықтарын қамтамасыз ету және өмір сүру сапасын жақсарту.»

«8-2. Тармақ жаңа редакцияда жазылсын:
«8-2. Аудандар мен Қызылорда қаласы бюджеттерінен заңнаманың өзгеруіне байланысты трансферттердің түсімдері 9 342 589,2 мың теңге сомасында көзделсін;»
аталған шешімнің 1-қосымшасы осы шешімнің қосымшасына сәйкес жаңа редакцияда жазылсын.
2. Осы шешім 2023 жылғы 1 қантардан бастап қолданысқа енгізіледі.

Қызылорда облыстық мәслихатының төрағасы Н. Байқадамов Қызылорда облыстық мәслихатының 2023 жылғы «27» қазандағы № 51 шешіміне қосымша

Қызылорда облыстық мәслихатының 2022 жылғы «13» желтоқсандағы № 153 шешіміне 1-қосымша

2023 жылға арналған облыстық бюджет

Table with columns: Санаты, Шығымы, Ішкі шығымы, Атауы, Сомасы, мың теңге. It lists various budget categories and their corresponding amounts in tenge.

Table with columns: Санаты, Шығымы, Ішкі шығымы, Атауы, Сомасы, мың теңге. It lists various budget categories and their corresponding amounts in tenge.

Table with columns: Санаты, Шығымы, Ішкі шығымы, Атауы, Сомасы, мың теңге. It lists various budget categories and their corresponding amounts in tenge.

